

晚晴簃詩匯

第六九册

晚晴簃詩匯卷一百七十八目錄

劉福姚 一首

張鶴齡 二十四首

惲毓嘉 三首

傅增清 二首

劉可毅 二首

汪洵 一首

顧瑗 九首

宋書升 十八首

沙元炳 七首

周景濤 十二首

李希聖 二十三首

史悠咸 三首

屠寄 二十二首

林旭 八首

李經鉉 二首

冒傳鈞 一首

陳銳 三首

李慶豐 一首

胡薇元 一首

羅運嶽 二十三首

蔡增澍 二首

晚晴簃詩匯卷一百七十八

徐世昌

劉福姚字伯崇號忍齋桂林人光緒壬辰一甲一名進士授修撰歷官侍講

端午賜衣和毅夫侍御韻

趨朝猶著舊官衣樓閣雲深望裏非
文字酬恩殊負負江湖戀闕尚依依
蒼茫天意憑誰問老懶心情與世違
一領漁蓑歸計熟中原豺虎未應稀

張鶴齡字長孺號筱圃陽湖人光緒壬辰進士改庶吉

士授戶部主事歷官奉天提學使

詩話筱圃擅究羣籍好深湛之思於中外學術治術之異同洞明真際著有變法經緯公例論庚子後長沙張文達被命與學筱圃多所贊畫余督東三省時筱圃任奉天提學極倚重之而商榷吏事鮮及詩文

近得其擬庾子山詠畫屏詩二十四首結思流響幾
欲亂真當是少作蓋自通籍後殫心新學不暇爲此
矣

擬庾子山詠畫屏風詩

南嶽回紫極郭杜春光開華林候氣轉瓊葩照地來暫迎
飛蓋舉將看舞袖迴侍飲香春殿未惜流霞杯
碧漢歇微雨層瀾霽旭前橋平疑斷渚花香礙蕩船新歌
倚煙擢過錦山叢蓮低映芙蓉面回波始惘然
虹楣延麗春鶯燕動芳鄰躡帶恰香芷輯佩遺美人犀笋
促鳳柱鸞吹發腥脣明睇自呈露願逢洛波神
步廊周釵砌虛閣折璇源水出珊瑚氣山開雲母門選騎
長楊苑飛觴金谷園芳華未衰晚留醉枕雲根
江東盛文譙冠蓋足遨遊楊枝狎文羽桃葉送煙流石梁

遙壁徑雲棧近依樓何事悲田宅東陵故微侯
舊舞青溪記新歌子夜連釵花翻寶扇釧玉研珠弦酖顏
低障後密態出鐙前誰謂無青鬢歡娛四十年

窈窕排丹闥迴翔出鈿車春旗拂岸柳輕吹落山花似出
齊遶室將宴楚章華夷庚休畏險峻坂隔褒斜

錦衛香如海金庭花作林新霜拭明鏡飛雪繞青琴干將
贈知己琅玕結素心風前莫喻意杯酒自清深

丹霞麗藻棗碧靄紫蘭堂步障豔圍錦歌塵長繞梁連房
簫管競映水綺羅香竟日陳長簾紅豆自安林

涼秋礎杵急擊響逐風飄流黃出織手束素怯輕腰吳綾
剛就織蜀絃應罷調邊書遲塞上校尉舊嫖姚

列嶂明浮黛水紋生薄羅長星耿清旦房露轉商歌原陵

望松柏汀洲塞芰荷南都歌舞地金粉苦無多

連檻壁璫啟洞戶珠纓懸翔禽戀叢薄儵魚戲水蓮芙蕖
時葺蓋鴛鴦不礙船遺簪未捐棄清尊話年前

密篁匝地迴高樹帶雲齊華旂雙道捲黼帳四圍低丹巖
游錦鳳雲外叫天雞芳菲共珍惜流鶯綠樹囀

羣流爭亂石摧塊棧車過珣戈揮落照樓櫓黯橫波秋殘
問古渡天外走長河明日江關隔馬首朔塵多

已折青泥坂還傾碧醪壺桐華拂石井竹筍供香廚山盤
太行上雲飛易水孤羈禽聊逐侶無用感黃墟

雍門冠珮肅列禁羽林長貔貅環細柳龍馬出長楊鶯歌
逐鼓吹花雨亂衣香簪毫預清宴還擬侍承光

萬騎迴天蹕句陳閣道開景陽新舞入宜春陪乘來翡翠

金蟬細葡萄紅玉杯更待蘭池月輕衫舞雪迴

金輅言奉使寶鬲報平戎皇圖跨灞漦予樂盛岐豐大漠
雲屯磧天山月挂弓芳林還校射摛文步侍中

綺林交翠羽錦浪狎文鱗花分盤馬路草鬪踏歌人危樓
欲迴漢別殿易驚春采芻郎官賜應知通大秦

茵若承春輦杉蘿靜夏池金鋪桂煙曉繡帷蕙風吹玉柁
流蘇帳珠鐙火齊枝誰攀大隄柳寂寞雨絲敲

藉草得幽徑餐松習清齋樹老雲都聚苔深石半埋柳花
時撲面花片每投懷吹笙啟別館惜無洛客偕

黃圖風日美麗暘滿芳菲朱郭羽觴集金張繡轂飛游絲
香惹鞦韆粉涇黏衣野草獨無數王孫殊未歸

雕弧森列隊羽葆擁中流健客青絲籠絲女木蘭舟新宮

開戚里大道起青樓蓬萊帝子醉油幕正從游

斜陽下古臺畫燭喚傳杯楚舞空江怨燕筑暮雲開片雲
移翠竹零雨落黃梅天北星辰指江南書劍來

惲毓嘉字孟樂號蘇齋大興人原籍武進光緒壬辰進
士改庶吉士授編修歷官延平知府

詩話蘇齋於戊申被命典郡爲宣南話別圖題詩自
注謂居都下幾四十年今將去之有戀戀朝簪之意
辛亥後和朱繡甫編修詩有云摩挲柯井餘殘碣寂
寞宮花帶曉煙蓋桑海躬經匪止天上玉堂之感矣
自題宣南話別圖

身世渾如燕翦拋一年一度一新巢南橫街北春纔定別
竹辭花又打包

茫茫宙合迭翻新且作龍津小住身出本無心歸亦好閒
雲何似看雲人

六十述懷

往事成塵六十年蒼蒼非復舊華顛流光捷似追風馬望
治難如上水船蝸角棲遲投老地蠅頭生活賣文錢英雄
汗血羈人淚一例消磨化作煙

傅增清字雨農江安人光緒壬辰進士改庶吉士授編

修厯官江蘇知府

詩話江安自設治以來入翰苑者始於兩農時京師
士大夫競言考據詞章之學一二居高位者相提倡
巧者或藉以梯榮兩農獨閉戶讀書恥爲干謁視學
貴州觀風試題以西北地理發問按試各題閱深博
偉點人謂自洪北江後所未有也在任三年務以實
學教士壬寅分校秋闈所得多名士湘鄉陳毅爲
尤著諸弟並負時名增濬爲余門下士學尤邃
密中年謝世遺著待刊因錄兩農詩附識之

雪夜度安南鵝翅膀

積寒破荒屯迸出衆山嶠三望

坡到地平一峯橫天拓途

長日下春行役苦煎灼初陟緣陂陀漸進度巖崖澗隴纒
汲井退速水瀉壑後顧辟百夫前猛厲雙竿陷淖雪泥融
堅滑冰壘薄既再接再厲乃一前一卻銳進進步饒奔殿
殿陳託其上屬綰轂厥象肖張膊晴明已噴吼冥行倍踟
躕活潑潑地時如塗塗附隄登頓馭朽懲臨深遽叱莫舍
輿而徒行履險慊從約濟勝鮮飛筇爾能期奏各凌風風
冷冷俯地地漠漠拗折峽角長峭立壁面削秉燭黑如磐
星火耿餘燭細路并猱爭積瀟蹙魚鰾扶危承厥肘踏實
付以腳冒藤衽屢攝觸石手暗摸磨旋蟻延緣旁行蟹郭
索突出懸萬仞憑虛寄一簪坎循倒馬痕來時於此墜下
二獸故云遵義
有倒馬坎他
處此名亦多勢壓飢鷹掠相見坡有崖名鷹
翅勝遜此峭削媧補陷未彌
靈劈跡猶嶒來時有崩痕
今仍未修治既窈兮冥兮亦波若磔若或逼

窄疊跡復爭道急著似蔡州雪入如崑崙夜搏奇局成獨
往偶趨致衆愕悸魄重淵升險語半天落之旋摩層巔曠
若出虛霽皓潔映淵茫問訊鄉導還將上頂始遇該縣人籠燭來迎陳倉
竟漢襲陰平乃鄧蹕嚇然嶺同怵山西四大天門其南天門名嚇然嶺惶恐
難猶怍禪地回證初陳跡積感作吁嗟七聖迷終待五丁
鑿徘徊三歎息藉慰百維度泥滓亦偶然平坡悟理鑰王
道本夷庚設險豈猶昨敢告良有司餘地盍留綽

庚子春初自興義按試回雨雪載途連日大霧道經

關索嶺適值開霽俯仰流連偶然有作

崑崙地脊控八方南分一幹支夜郎上薄昆明下五嶺中

間脈絡紛開張逆地突出羅萬菌攢天擁簇森千槍到此

劃然成巨壑滇黔鎖鑰真金湯

關上滇黔鎖鑰

我行積

日苦墮霧今日頓覺神飛揚試登絕頂一悵望如闢混沌

開天荒禹跡晦昧遺疏鑿厥宅殷土尤茫茫二盤源處近

黑水三危傳會同荒唐

莫邱亭以紅巖爲三危地屢亦附會

磨巖強被諸葛

碣將軍名嶺誰能詳卻思當關據形勝一夫足使千夫僵

雞嶺對峙殊險易紆籌坐令輸批吭揭來承平二百載芟

夷荆棘成康莊閭風蹠馬同下視彷彿華碧河流黃四十

三盤窮踐蹠擬坐習井窺天閭墨客爭摩矚甲上白雲不

使紅巖藏

紅巖碑昔人皆謂爲殷宗伐鬼方勒石吾弟學淵則以爲莊壻所爲

灞陵一勺山

一垵

兩山之間卽灞陵河

省識摩畫資維綱耕鑿相忘陵谷險田流

灑灑皆瓊漿

半嶺瓊漿卽馬跑泉

犵鳥蠻花各自媚那知世外多滄

桑大坡頂上重迴首但見野鵲凌風翔浮空萬象隨變滅

白日欲赤青天蒼

劉可毅原名毓麟字葆真武進人光緒壬辰進士改庶

吉士授編修

詩話葆真貫串羣籍所作多沈博絕麗性彊記熟於咸同軍事抵掌而談如親在行間入許仙屏河督幕中代草詩文皆精絕宦京時任大學教習講五代史援古證今聽者忘倦庚子夏拳匪方張朝士畏禍相戒緘口獨葆真憤其作亂昌言於眾卒以身殉呂幼船藥禪室隨筆言葆真居恆嘗攬鏡太息自謂必死道路若有先識亦可異也

壬辰十二月初以阻雪未作秣陵游予亦膏車不

發

黃子本名士論交四海多輕帆破冢出瘴癘夕陽多斗酒
腹猶痛長途悲作歌故鄉好風物相見未蹉跎

我去瞻園久三年草又繁空廂還納月穿樹不知門白下
舊賓主青衫新弟昆與君期歲晚飛雪儻論文

汪洵字淵若一字子淵陽湖人光緒壬辰進士改庶吉士授編修

詩話淵若有書名驚字海上自食其力壹若劉井柯亭無與於己者而其憂國之思時時流露己亥長至詩有云玉宇高寒象緯逼長星夜夜凝愁眸自敘時儲位方定亂象已形不覺情詞迫切視東坡之水調歌頭心同而境異矣

讀漢書有感

蟻蝶浮天劫竟乘居然棲爵上觚棱窺窗玉女雲都散承蓋銅仙露尙凝此日黃圖成故事何時赤伏佐中興運移新室悲文母望斷瀛臺泣涓陵

顧瑗字亞蘧祥符人光緒壬辰進士改庶吉士授編修有西征集

詩話亞蘧入詞林年甫逾冠才名藉甚嘗官御史以言事回原衙門行走其詩皆驚才絕艷卓犖不羣惜

稟多散佚今僅存西征集一卷
乃庚子辛丑間扈從西安所作

次韻和高子衡觀察靜中吟

鐘動雞鳴俄頃時
迷離野鹿與標枝
前塵誤觸嬰身網
此日眞成無當厄
愧我頑空耽說偈
喜君解脫善談詩
健椎忽憶須彌頂
三十年來悔已遲

修武縣西北有濁鹿城
魏受漢禪封獻帝爲山陽公
城卽公所居也
道經此地感而賦之

炎漢逮中葉
朝綱已不整
桓靈繼昏憤
天怒發災眚
殿陛妖孽生
邊塞烽煙警
維時有張角
嘯聚羣不逞
公言蒼天死
黃巾繫要領
擾亂徧九州
響應暨五嶺
從來邪術興
變亂在俄頃
誅斬不期多
驅治貴用猛
姦雄利時危
乘閒志乃騁
時豈無忠良
出語劍在頸
哀哉建安君
厲階遂爲梗

戎馬走倉皇流螢借餘景運際田篡齊數應吳入郢幽囚
濁鹿城不死實爲幸客行過遺墟談者猶齒冷前事後之
師何人發深省

舞獅曲

正月八日道出修武是日邑人祭火神士女
駢集百戲具陳停車縱觀以舞獅爲最作舞

獅曲

雞隻大鼓聲淵淵南村北里車駢闐神去神來送迎畢廣
徵戲具娛新年尋橦緣曲走長索吐火吞刀相繼作陡然
變出狻猊形一嘯長風振林薄盤旋上下聲咆哮寒光凜
凜拳金毛鋸牙磨厲地欲裂銅頭睥睨天爲高一獅倒曳
一獅走鬱怒追逃氣猶吼興酣直欲吞萬牛目中久已無
三狗吾聞獅子產大秦波斯品類尤威神國初遠略振殊
俗重譯貢作天家珍如今滄海方騰溢殺到角端都駭逸